

«Казгермунай» БК» ЖШС-нің «Оңтүстік Ақшабұлақ кен орнын игеру жобасына қосымша»
көзделіп отырған қызметі туралы өтініші бойынша (KZ38RYS01681570) ұсыныстар мен
ескертулердің жиынтық кестесі
Хаттама

Жиынтық кесте жасалған күні: 13.05.2026 ж.

Жиынтық кесте жасалған орын: Қызылорда облысы бойынша экология департаменті,
Экологиялық реттеу және бықылау комитеті ҚР ЭТРМ

Қоршаған ортаны қорғау саласындағы уәкілетті органның атауы: Қызылорда облысы бойынша
экология департаменті, Экологиялық реттеу және бықылау комитеті ҚР ЭТРМ

Мүдделі мемлекеттік органдардың ескертулері мен ұсыныстарын жинау туралы хабарланған
күн: 16.04.2026 ж.

Мүдделі мемлекеттік органдардың ескертулері мен ұсыныстарын беру мерзімі: 16.04-
12.05.2026 ж.

Мүдделі мемлекеттік органдардың ескертулері мен ұсыныстарын жинақтау:

№	Мүдделі мемлекеттік орган	Ескерту мен ұсыныстар
1	Қызылорда облысының табиғи ресурстар және табиғат пайдалануды реттеу басқармасы	Жер қойнауын пайдаланушылар жер қойнауын пайдалану жөніндегі операцияларды, сондай-ақ жердің бүлінуіне байланысты құрылыс және басқа да жер қойнауын пайдалану жөніндегі операцияларды жүргізу барысында ҚР Экологиялық кодексінің (<i>бұдан әрі – Кодекс</i>) 397-бабында көзделген экологиялық талаптарды сақтауға міндетті. Сондай-ақ, Кодекстің 238 бабының 4 тармағына сәйкес, атап айтқанда бүлінген жерлерді рекультивациялау бағытын таңдау кезінде: 1) жер бетінің бүліну сипаты; 2) объект орналасқан ауданның табиғи және физикалық-географиялық жағдайлары; 3) осындай ауданның даму перспективалары мен қоршаған ортаны қорғау жөніндегі талаптар ескеріле отырып, объектіні орналастырудың әлеуметтік-экономикалық ерекшеліктері; 4) бүлінген жерлердің негізгі алаңын қара топырақ тараған және ауыл шаруашылығы қарқынды жүретін аймақта жыртылатын алқаптар етіп қалпына келтіру қажеттігі; 5) қазылған кеңістікте су айдындарын және аршылған жыныстар мен байыту қалдықтары үйінділерінде сәндік бақ-саябақ кешендерін, ландшафтар жасауды қоса алғанда, елді мекендерге тікелей жақын жердегі бүлінген жерлерді бақтар, қосалқы шаруашылықтар және демалыс аймақтары етіп қалпына келтіру қажеттігі; 6) өнеркәсіптік объект аумағында жоспарлау жұмыстарын орындау, қажетсіз шұңқырлар мен үймелерді жою, құрылыс қоқысын жинау және жер учаскесін абаттандыру; 7) пайдаланылатын жер учаскесіндегі топырақпен жабылуы немесе тегістелуі қажет жыралар мен су шайған жерлер; 8) міндетті түрде аумақты көгалдандыруды жүргізу ескерілуге тиіс. Белгіленіп отырған қызмет барысында, кодекстің барлық талаптарының сақталуы қамтамасыз етілуі міндетті болып табылады. Кодекстің 4-қосымшасы «Қоршаған ортаны қорғау жөніндегі іс-шаралардың» үлгілік тізбесіне сәйкес, кәсіпорындар аумағында шөлейттенуге және басқа да қолайсыз экологиялық факторларды алдын алу және өңірдегі экологиялық жағдайды жақсарту мақсатында жасыл екпелердің, көшеттердің алаңдарын

		ұлғайту. ҚР Экология, геология және табиғи ресурстар министрінің 30.07.2021 ж. №280 бұйрығымен бекітілген экологиялық бағалауды ұйымдастыру және жүргізу жөніндегі нұсқаулыққа сәйкес объектіні көзделіп отырған қызметті іске асыру кезінде қоршаған ортаға және оның компоненттеріне кері әсерін барынша азайтуды ұсынады.
2	Қызылорда облысының санитариялық-эпидемиологиялық бақылау департаменті	Ескертулер мен ұсыныстар жоқ.
3	Мұнай-газ кешеніндегі мемлекеттік инспекциясының оңтүстік өңіраралық басқармасы	Ескертулер мен ұсыныстар жоқ.
4	Қызылорда облысының ауыл шаруашылығы және жер қатынастары басқармасы	«Казгермунай» БК» ЖШС-нің жер қойнауын пайдалануға арналған тиісті рұқсат немесе келісім шарт алған жағдайда, ҚР Жер кодексінің талаптарына сәйкес жер учаскелерін жергілікті атқарушы органдармен рәсімдеу қажет екендігін білдіреді.
5	Су ресурстарын қорғау және пайдалануды реттеу жөніндегі Арал-Сырдария бассейндік су инспекциясы	Су қорғау аймағы мен белдеулерінде қандайда бір жұмыстар жүргізілген жағдайда, ҚР Су Кодексінің 50 бабына және ҚР Су ресурстары және ирригация министрінің м.а. 20.06.2025 ж. №142-НҚ бұйрығына сәйкес, су объектілерінде «Су объектілерінің жай-күйіне әсер ететін құрылысжайлар мен басқа да объектілерді орналастыруды, жобалауды және салуды, реконструкциялауды, сондай-ақ су объектілеріндегі, су қорғау аймақтары мен белдеулеріндегі құрылыс қызметіне, ағаш өсіруге, жер қойнауын пайдалану жөніндегі операцияларға, ұңғымаларды бұрғылауға, жерүсті су объектілерін санациялауға, су объектілерінің балық шаруашылығы мелиорациясына, ауыл шаруашылығы жұмыстары мен өзге де жұмыстарға байланысты жұмыстарды жүргізу шарттарын келісу» мемлекеттік көрсетілетін қызмет аясында инспекциядан келісім алу қажет. Жер асты немесе жер үсті суларын пайдаланған жағдайда, ҚР Су Кодексінің 45 бабына сәйкес арнайы су пайдалануға рұқсат құжатын рәсімдеу қажет. Арнайы су пайдалану рұқсат құжаты, «Су қорын пайдалануды реттеу саласында мемлекеттік қызметтер көрсету қағидаларын бекіту туралы» ҚР Экология, геология және табиғи ресурстар министрінің м.а. 11.09.2020 ж. №216 бұйрығына өзгерістер енгізу туралы ҚР Су ресурстары және ирригация министрінің 14.10.2025 ж. №264-НҚ бұйрығына сәйкес «Арнаулы су пайдалануға рұқсат» мемлекеттік қызмет көрсету қағидаларында көрсетілген қажетті құжаттар тізбесіне сәйкес рәсімделуі тиіс. ҚР Су Кодексінің 75 бабының 5 тармағына сәйкес қызметі су объектілерінің жай-күйіне әсер ететін жеке және заңды тұлғалар Қазақстан Республикасы заңнамасының талаптарын сақтауға және су объектілерін ластанудан, қоқыстанудан және саркылудан қорғауды қамтамасыз ететін ұйымдастырушылық, технологиялық, гидротехникалық, санитариялық-эпидемиологиялық және басқа да іс-шараларды жүргізуге міндетті. ҚР Су Кодексінің 91 бабының 1 тармағының талаптарына сәйкес мұнай, химия заттарын және су объектілерінің жай-күйіне теріс әсер ететін басқа да заттарды тасуға және сақтауға арналған құрылысжайлар

		мен құрылғыларды судың ластануын болғызбауға арналған құралдармен жабдықтамай және тасу кезіндегі авариялардың салдарын жою жоспарларын бекітпей пайдалануға беруге тыйым салынады. ҚР Су Кодексінің 92 бабының 5 тармағына сәйкес жер қойнауын пайдалану жөніндегі операцияларды жүргізу кезінде жер қойнауын пайдаланушы жерасты суларын қорғау жөніндегі шараларды қабылдауға міндетті. Аталған баптың 8 тармағына сәйкес жер қойнауын пайдаланушылар жер қойнауын геологиялық зерттеу, пайдалы қазбаларды барлау және өндіру, жер қойнауы кеңістігін пайдалану жөніндегі операцияларды жүргізу кезінде жерасты суларының ластануы мен сарқылуының алдын алу жөнінде шаралар қабылдауға міндетті.
6	Сырдария ауданының әкімдігі	Ескертулер мен ұсыныстар жоқ.
7	Қызылорда облысы бойынша экология департаменті	1. Жер қойнауын пайдалану жөніндегі операцияларды жүргізу кезінде ҚР 02.01.2021 ж. №400-VI Экологиялық кодексінің 397-бабында көзделген экологиялық талаптарды сақтау. 2. Қалдықтармен операцияларды орындау кезінде Экологиялық кодекстің 329-бабына және 358-бабына сәйкес иерархия қағидаты ескерілсін, сондай-ақ қалдықтарды пайдаланудың баламалы әдістері көзделсін. 3. Жер, көлік жұмыстарын орындау кезінде шаңды басу жөніндегі іс-шараларды көздеу. 4. Санитарлық-қорғаныш аймағында көгалдандыру іс-шараларын қарастыру.